

特32

506

第四冊目次

卷之六

光孝天皇

宇多天皇

醍醐天皇

朱雀天皇

村上天皇

卷之七

冷泉天皇

圓融天皇

花山天皇

一條天皇

三條天皇

後一條天皇

後朱雀天皇

後冷泉天皇

明治  
新刻

日本政記

大郷穆編次

第四冊

明治十二年九月廿七日購求

# 教育博覽會

第五十八世紀元千五百四十五年

明治新刻 日本政記卷之六

石川縣——大鄉——穆——編次

光孝天皇 諱時康仁明帝第三子母贈皇太后藤原氏贈太政大臣總繼女在

位三年改元仁和

帝性聰明好讀書寬厚愛人初為親王渤海使王文矩見其在諸王中竊告人曰皇子有至貴之相必登大位又有宗直者給事於潛邸之時其兄仲直善相戒之曰皇子貴不可

類國史

類國史 屬雜史 冊十 函六十七

第一〇第

言汝善事之。帝嘗赴藤原良房大饗。饋者遺尊者雉足。遽取供帝者。羞之。帝夷然爲滅燭。掩跡。基經適見之。深感其雅量。至行廢立。基經遍訪諸皇子。擇之。諸皇子皆裝飾矜持。獨帝坐敝簾中。筵席毀壞。徐曰。何故見過基經。心益服之。因陳推戴意。許之大計。既定。會公卿議之。不決。左大臣源融曰。求宗室。冑融等尚在。基經曰。固也。然賜姓爲臣而登天位者。自古未有也。參議藤原諸葛按劔勵聲曰。今

日敢不依太政大臣處分者。斬議乃決。及先帝遷陽成院。基經與諸王公卿奉神寶勸進。帝遂卽位。時年五十五。

史論曰。苟況曰。相形不如。論心論心不如。擇術也。王文矩及仲直之相。帝於龍潛之日。可謂奇中矣。然不如攝政基經。察見帝於大饗之坐。知其有人君之量。故排衆議而立之。其擇術之精者乎。帝及踐大位。雖有志於正軌。度舉廢典。而以庶孽爲基經所推戴。故畏憚。

之過於負託竟不能正剛健之德而臨馭不  
久庶績猶有不能熙洽者惜哉

初帝去藩邸御東宮基經帥百官解劍而入  
兵部卿本康親王左大臣源融猶佩劍近侍  
見基經大驚解劍即時敕賜三人帶劍尋令  
諸博士勘奏太政大臣有職掌否及在唐朝  
相當何官特詔曰萬機依舊必先諮稟太政  
大臣基經而後奏聞基經上表請罷攝政使  
左大臣源融右大臣源多代任不許

賜基經宴

藤原時平

藤原時平

仁和元年己乙詔以攝津為奈野賜基經為其游  
獵地尋賜基經宴於內殿壽其五十○敕太宰  
府禁私買唐物○先是筑後掾藤原近成率其  
黨百餘圍守都御西館殺之奪財令太宰府捕  
獲至是鞠訊當斬詔減死一等處流○二年帝  
召藤原時平基經之子行冠禮於仁壽殿手為加冠  
冠巾皆賜服御物○先是石見大領伊福部安  
道等率部民二百餘圍權守上毛野氏永責其  
政乖法氏永逃匿山中掾大野安雄索而捕之

橘良基卒

幽閉倉中。至是推問得狀。詔奪二人官。○以肥後守藤原時長攝津守多治藤善等皆拜官。經年不赴任。救降位一階。奪其告身。初朝廷待國司甚厚。食祿饒裕。由此庶僚皆望外任。至是朝綱稍弛。凶黨肆害。國司畏避。不欲赴任。國郡始多事矣。○是歲釋奠於大學寮。○二年信濃守橘良基卒。良基篤學明練。治體所在有能名。然性甚剛果。以此見憎。先是信濃民有與怨家相鬩者。詣太政官訴之。官遣使鞠訊。良基坐故縱。

第五十九世紀元千五百四十八年

王侍從

怨家收訴者。至是推斷未竟而卒。家無餘儲。中納言在原行平賻以絹布。纔得葬焉。良基歷任五國守介。每罷歸。不載資糧。其子嘗問治國要對曰。雖有百術。不如一清。人稱其清。白云。○帝崩。壽五十八。葬山城田邑陵。基經奉遺詔立皇太子。宇多天皇。諱定省。光孝帝第七子。母洞院皇太后。仲野親王女。在位十年。改元

一曰寬平。

先帝多子。最愛帝。嘗任侍從。時稱王侍從。先帝臨崩。憚基經未敢立太子。基經入卧內奏。

始置關白

曰陛下萬歲之後將傳神器於誰先帝曰唯卿所擇對曰以臣所見其惟王待從乎先帝大悅召帝右執其手左執基經手泣曰朕檢汝得位皆大臣力慎勿忘至是即位詔萬機無巨細關白於太政大臣關白始于此○按基經既行廢立又關立帝為關白統政帝坐仰成是為王綱第二變基經上表乞歸政不許詔曰卿社稷之臣非朕臣宣以阿衡之任為卿任左大辨橘廣相所草也或謂阿衡位高不預事基經曰然則吾閑人而已命放

厩馬○是歲奪美濃下野若狹能登越中等凡十一國司位祿公廨以貢調違期也

四年詔賜關白基經封戶准二后基經奏曰國家一日萬機而自前年至今年未奏太政官所申庶務臣伏奉前詔云宜以阿衡之任為汝任臣未知阿衡之任仍持疑久矣近聞博士議阿衡無典職以其無典職知阿衡為貴以臣比擬非所克堪然居無職之地固臣之素志也伏願早置執奏官莫令萬機壅滯帝大驚遣左大臣

源融就基經第依前詔而行機務基經以阿衡  
 職掌議未決不奉旨帝不懌融曰請改後詔不  
 然恐有後患帝不得已遂優詔百官曰廣相草  
 詔失朕本意朕欲庶政仍舊關白於太政大臣  
 無拱仰成而已菅原道真亦贈書解喻基經乃  
 奉詔

林恕曰忠仁公之輔主昭宣公之廢立可謂社  
 禩之臣譬諸伊霍亦不可過乎然世權之久王  
 道之陵夷兆於此則不免管私家之罪哉

賢聖障子

山縣禎曰昭宣公歷事四朝在職縝密以才望  
 稱陽成帝狂暴公廢之擇齒德而立孝帝世稱  
 其功以比之伊霍然今察其心迹猶是不免貪  
 權固寵之意如之何得比之伊霍哉為人臣而  
 懷私以事其上要君以威權其罪不亦大乎

敕圖殷周唐名臣像於紫宸殿障子號賢聖障  
 子○是歲右大臣兼左大將源多麿○寬平元  
 年配帝受周易於博士善淵愛成○聽基經乘  
 腰輿入朝○鑄新錢文曰寬平大寶○二年始進七種

錢鑄寬平大寶

七種菜粥

橘廣相卒

藤原基經薨

菜粥○基經疾帝將臨視基經固辭尋辭關白

優詔許之○是歲參議左大辨橘廣相卒廣相幼有

文名九歲許昇殿及長博學歷仕三朝近侍左右至是卒以待讀勞詔贈中納言從三位○

三年太政大臣基經薨救輟朝三日贈正一位

封越前公諡昭宣按基經攝政四年關白十一年基經在職績

密畏慎為時所稱焉○帝始親政事不置攝政

關白○以大納言藤原良世冬嗣子為右大臣○

召太宰大貳藤原保則為左大辨先是鎮西多

盜筑前筑後肥前皆為之藪國司發兵捕斬凶

焰益熾帝憂之以保則平出羽功命鎮撫之時

保則不得志於朝乃稱病不肯就職帝累詔起

之及赴任衆請發兵掃蕩保則曰賊苦飢寒故

相剽掠今捕而殲之郡村為虛奈邊防何不如

施恩惠以懷之乃賑給三國深加慰撫政尚清

簡賊悅服帝聞而召之尋任參議兼民部鄉○

四年救藏人頭菅原道真撰類聚國史尋以道

真為參議○五年新羅海賊寇筑紫救太宰府

曰勿以兵故令農失時且防且耕又救北陸山

類聚國史成



新羅之變

陰山陽南海諸道嚴警備○六年唐使來聘以參議菅原道真為遣唐使右少辨紀長谷雄貞之為副使報之會唐亂不果行遂罷使不通○新羅海賊以船四十五艘至對馬登岸筑前守文室善友集郡司士卒勵之曰箭中額者賞中背者斬乃分眾為二十隊夾擊大破之斬其將領十四人士卒二百餘人生擒一人即鞫問之對曰本國年饑民窮故國王發兵欲掠奪穀絹耳時新羅女主淫昏嬖豎竊柄紀綱紊亂盜賊

四起來寇者其豪酋為之云

神功皇后以降征討新羅至是第十

二回後至朱雀帝承平五年新羅滅

○七年先是定置左右檢非

違使廳日決其獄至是帝尚患多替滯因敕中

納言兼民部卿菅原道真錄囚徒○敕王臣家

出舉私物貸民求利天平年中所禁也頃者不

遵前格蠹民害政莫甚焉宣一切禁遏犯者沒

物料罪○左大臣源融薨

融嘗造書院於東六條河原窮極詭麗世

稱河原○八年幸雲林院作子日宴

子日宴始于此○

以右大臣藤原良世為左大臣○廢太后藤原

氏清和以有失行也。流僧善祐於伊豆。○太宰府奏卿雲見公卿表賀以為政和德至之報。詔曰：朕即位九載，水旱疫癘，兵興盜起，政和德至之言，可以偷置齒牙乎？君臣一體也。朕恥卿等亦可恥，勿為虛賀。

山縣禎曰：明者自視明，是以不為人所昏庸人自視昏，是以多為人惑。帝以頻年水旱疫癘，兵興盜起，知政和德至之言為可耻，可謂自視明矣。是以能屏卿雲之賀而不惑於佞諛之言也。

唯其自視明，是以其觀人亦明矣。故能擇賢而

貽後嗣。寬平遺誠曰：右大將菅原朝臣鴻儒也。又深達政事，朕選為博士，多受諫正，仍

不次登用云云。非獨朕之忠臣，新君之功臣也。其功不可忘云云。亦能諄諄垂

訓誡以示後嗣，非明主而能然乎哉。

左大臣藤原良世致仕。○是歲以菅原道真女

衍子為女御。藤原時平女亦入宮為掌侍。○九

年帝將遜位，道真極陳其不可，尋又諭以前志。

遂禪位於皇太子。詔時平道真輔佐少主，參決

機務。又自著書歷舉臣庶賢否，國家得失，以誠

寬平遺誠

嗣帝曰。明賞罰。勿用愛憎。慎喜怒。勿形諸色。勿聽婦言。勿近小人。詢治於有識。求道於六經。左大將藤原朝臣平時功臣之後。雖少熟政事。可以資輔導。右大將菅原朝臣道真當今鴻儒。深通政理。直言不忌。且將讓位。未果。朝臣曰。事留變生。遂使朕意如金石。則不唯朕之忠臣。乃新君之功臣。其敬重之。李長達典故。長谷雄涉經典。共大器也。竝宜進用。帝從東二條院。遷朱雀院。山縣禎曰。寬平遺誠數語。皆得為治之要。可以

為後世人主規範矣。

醍醐天皇

諱敦仁。字多帝。長子。母贈皇太后藤原氏內大臣高藤女。在位三十

第六十世紀元千五百五十八年

四年。改元三。曰昌泰。延喜。延長。

初帝為親王。先帝立為皇太子。獨與菅原道真議定。諸大臣不與焉。至是即位。時年十三。尊先帝曰後上天皇。以別於陽成上皇。

昌泰元年

戊午。帝始讀群書治要紀。長谷雄侍讀。

○二年。以大納言藤原時平為左大臣。權大納言菅原道真為右大臣。道真累表固辭。不聽。時

藤原時平故著鮮服

平年少氣銳恣意自用裁決多失當道真不欲每事立異常竊歎之時年五十五時平二十八○後太上皇素好佛乘至是幸仁和寺削髮名空理稱法皇○帝患時俗趨奢侈朝臣競飾美詔立之制限而犯禁者猶多左大臣時平因密進謀故自著鮮服入朝帝佯怒令職事責之時平為惶懼者屏隨身步歸第杜門謝客月餘於是奢風遂改

史論曰醍醐帝禁奢侈不由其道而與時平密

謀用術以止之待物以誠猶恐其不動一為不誠則明有所蔽邪正何能辨乎他日時平陷道真之術宜售也

是歲京師多盜放火殺人敕令四衛府兵巡警○三年帝觀法皇於朱雀院相議以為左右大臣並秉朝政無所統一宜令道真關白庶政乃召道真密諭其旨道真固辭不受且奏曰既召臣而無事人心恠之因賦詩獻之帝及法皇各賜御衣而罷尋請罷大將不聽○以大納言藤

菅原道真辭密論

三善清行上  
革命議

原高藤為內大臣尋薨高藤冬嗣孫良勸修寺○文章  
博士三善清行上革命議以為明年辛酉當帝  
王革命君臣剋賊之運宜鑒周易革卦之體戒  
嚴警衛先是菅原道真叙正三位兼中宮大夫  
蒙內覽宣旨至是寵眷益隆清行恐其罹禍懇  
勸退避道真不納又貽書曰運當變革將動干  
戈遭凶衝禍雖未知為誰引弩射市薄命者亦  
當中之天數難推察人事足知亮宜知其足察  
其分縱意於烟霞邱壑道真又不從○延喜元

貶菅原道真

年辛酉貶右大臣兼右近衛大將菅原道真為太  
宰權帥道真器識卓異起翰林受殊遇累遷樞  
要補理紀綱天下以為曠世盛事時平常嫉寵  
任勝已及聞其有密論益不懌時源光帝藤原  
定國資望素高而皆愧位在道真下藤原菅根  
亦有憾於道真時平素多權數與三人相結協  
力排陷譖毀日至至是遂密奏誣道真有異圖  
欲廢帝立齊世親王道真女適親王帝震怒下  
敕貶謫道真憂悶不能自白作和歌哀訴法皇

藤原時平諧  
菅原道真

法皇驚欲見帝申救菅根戒諸陣不通法皇坐陣外終日竟不得入而還道真男女二十三人皆坐配流天下寃之時平又欲禁錮放逐諸司諸生及菅門者二善清行致書止之其議遂寢時平弟忠平雅與道真善及其貶問遺不絕不以兄故生嫌云

青山延子曰貞觀以後藤原氏顯權而天子拱默受制紀綱陵遲宇多帝英明有見于此登庸菅原道真委以大政欲以收外戚之權而張王

室之勢矣然帝一旦去位而道真亦以讒去藤原氏之權滋盛而不可復收矣由此觀之道真之去就實係國家之興衰豈得以一身之故去位哉蓋道真之於君也盡誠竭節死而後已不爾螳螂奮臂黃雀張口伺隙其後道真豈不之知哉然以其身任天下之重受禍而不辭斯其所以為忠也而論者譏其不去位以為闇事機非至論也

山縣禎曰菅公三上表辭右大臣今讀其文其

三代實錄成

菅原道真薨

慮鬼瞰之禍。銷骨之毀。亦已深矣。而帝不許於  
 是乎。以一身任天下之重。雖有善博士之告戒。  
 不復納用。其甘心讒口。受禍而弗辭。亦可知矣。  
 左大臣時平等。上三代實錄。道真所定居。多以  
 其貶不得列名。○是歲以大納言源光為右大  
 臣。中納言藤原定國兼右大將。○三年前右大  
 將太宰權帥菅原道真薨。道真在筑紫二年。閉  
 門不出。託文墨自遣。至是薨年五十九。道真嘗  
有重陽  
詩云。去年今夜侍清涼。秋思詩篇獨斷腸。恩賜  
御衣今在此。捧持每日拜餘香。雖謫居無聊。忠

愛之意猶厚如此

巖垣彦明日。世傳菅公遠竄。實非其罪。公不勝  
 憤惋。及薨。為雷霹靂。皇宮。余謂此所謂齊東野  
 人之語。不可信者也。夫驕泰怨尤者。小人之常  
 情已。菅公決不然矣。凡事君者。致身竭忠。固其  
 分也。以寵辱易操。庸人猶或不忍為。而况賢者  
 乎。蓋公在宇多朝也。以命世之才。得聖主之遇。  
 位至三台。職兼文武。人臣之榮。既極矣。而公益  
 肅恭。未嘗有以專權聞也。及醍醐即位。讒人乘

間。癸惑主聰。遽致廢黜。時命適然。然公學究天  
人。識明窮通。何怨尤之。有余嘗讀公在西海所  
作詩。深致尊君之意。絕無怫鬱之言。足以徵寵  
辱。不易操也。余故曰。管公決不然矣。其謂憤惋  
訴天者。無乃以小人腹量君子心乎。若夫風雷  
水火之變。則天或警戒。朝廷已管公何預焉。  
山縣禎曰。世人憫管公之無罪而惡。時平管根  
等之讒構也。於是乎謗讟怪說紛紛乎。興一時  
浮說。固不足信。然亦可以見公之德業能服人

心之一端矣。

古今和歌集  
成

頒延喜格

四年。法皇造室仁和寺。稱御室。○五年。大內記  
紀友則御書所預紀貫之等。上古今和歌集。○  
六年。帝始讀史記。○七年。鑄新錢。文曰延喜通寶。○是  
歲左大臣時平等上延喜格。敕頒之。○八年。渤  
海使裴璆來。以菅原淳茂之子為掌客使。初貞  
觀中。璆父題奉使來。與淳茂父道真倡和。及是  
淳茂亦與璆倡和。言各及先人事。璆最哀道真。  
云。○九年。定天下常平倉穀價。升直三錢。○左



藤原時平薨

大臣兼左近衛大將藤原時平薨

時平道真並為左右大臣

曩道真被貶至是時平薨時有右流左死之語云 ○十四年詔求直言

式部大輔兼大學頭三善清行上便宜十二事

肅祭祀禁奢侈抑兼弁勵學生省舞妓慎刑獄

均祿賜擇牧宰程課役嚴邊備汰僧徒修津泊

其上表略曰我邦上古上仁下忠租稅薄風俗

厚時漸澆漓賦歛年增戶口日減欽明帝之世

佛法初傳推古帝以後稍盛崇尚成風上自公

卿下至士庶競捨資產以營佛圖至不造寺塔

者人莫與齒焉降及天平多創大寺莊嚴盡美

遂使七道國建二佛寺名曰國分寺廢民田糜

公稅桓武帝遷都者再土木繁興賦役大重仁

明帝即位尤好奢靡房寢麗美宴樂飲淫府帑

空竭徵求無藝貞觀中應天門及大極殿並災

修復期年費亦夥矣當今之時國家之經入非

往昔十分之一也寬平中臣為備中守管內有

邇麻呂鄉按風土記皇極帝時出勝兵二萬至

天平中課丁纔有千九百餘臣到任時老丁二

三善清行上便宜十二事

古今事類

藤原時平薨

大臣兼左近衛大將藤原時平薨

時平道真並為左右大臣

人正丁四人。中男三人耳。今訪諸彼地官吏。則曰無有一丁。衰弊之速如此。以此推之。天下虛耗可知。陛下照萬古興衰。宵衣旰食。降惠民庶。興復寧無可期乎。其餘所條陳。皆切時政。帝嘉納焉。尋禁服飾奢靡。

藤井減曰。清行所奏。皆良深切矣。而於奢侈刑憲一者。則從之與否。今不得知也。至於加學生之食料。禁僧徒之濫惡。則不見聽明矣。何以知之。學校之廢。僧兵之亂。皆此後滋甚焉。且緇侶

廢已業。專力兵術。怒則逼於禁闕。抗於武門。悖逆爭鬪。靡所不至。至使承保帝曰。朕之不能制者。鴨水之漲。山僧之暴耳。南都北嶺。二井根來。乃其巢臼也。若早圖而壞其巢臼。奪其兵器。教之導之以還良民。何以貽禍於後世。惜哉。封事之不見取也。

青山延于曰。弘仁以來。名公鉅卿。上疏言時務者。不知凡幾。然剴切痛快。未有若清行封事者。真可謂經世有用之才矣。使帝盡用其言。延喜

之治豈特止此哉夫以清行之才遇帝而猶不  
得盡其蘊况叔世之士事庸主而欲展其才用  
不亦難乎

賴襄曰清行此時年已七十矣而位不過四位  
官不過儒門常格既而纔得參議未幾而沒嗚  
呼此人也而不知用則延喜之政亦非空名無  
實者邪向使寬平不早去位與菅公并用焉以  
盡其才則可以收興復之實效矣吾不獨為此  
人惜為王家惜也

貞純親王薨

三善清行卒

是歲以大納言藤原忠平為右大臣兼左大將  
如故○十五年以疾疫大赦天下免延喜十年  
以前七道調庸逋負減今年徭半○十六年四  
品貞純親王薨親王清和帝第六子善武事子孫賜姓源朝臣世為將帥○  
十八年參議式部大輔三善清行卒清行氏吉  
巨勢文雄博涉經史旁通百家所著有善家集卒年七十二○二十年渤海  
使裴瑋復來朝以大江朝綱為掌客使○延長  
元年癸未皇太子保明薨詔復故右大臣菅原道  
真爵贈正二位初道真薨後藤原菅根藤原時

平相踵而逝太子亦暴薨

太子母時平女

世以為道真

崇故有是命又命集左遷宣旨及外記文書凡

關道真事者悉焚之○立皇孫慶賴王為皇太

子○二年以右大臣藤原忠平為左大臣大納

言藤原定方高藤之子為右大臣○三年皇太子慶

賴薨○立皇子寬明親王

故太子保明同母弟

為皇太子

以左大臣忠平為傅

太子外舅

賴襄曰帝自貶菅原相公而藤原氏之勢倍盛

其立國儲舍長子克明而立保明以其為基經

外孫時平外姪焉爾猶之可也及保明天更立

其子其子亦殤而立其同母弟帝多皇子當是

時言其長則有代明言其賢則有重明有兼明

皆舍不立而必立相家所出何也非憚之哉是

所謂仁而不武無能達也時平既沒又以其弟

忠平執政託以八歲天子以臨制如彼之天下

如之何其不亂也延喜之時稱太平數舉宴樂

召集文士歌頌壽起而水旱疾疫民不聊生盜

賊充斥閭里雖有經理之政徒行於近而不周

延喜式成

於遠也。天慶之亂，蓋已釀於延喜之朝矣。

四年，先是置諸國不堪佃風水使，至是定上損

戶法。○五年，左大臣忠平等上延喜式，其書所

叙天下群神祠，凡三千一百三十二，中屬神祇

官祀典者七百三十七，餘悉任國司所祀云。○

六年，令少內記小野道風篁之孫書漢以來賢君

名臣言行於清涼殿南廂粉壁。道風工草隸，適勁神逸，冠絕古今。

○八年，先是山城國大

風水，敕賑被害者，甚者免一年調庸。至是左右

京饑疫，敕賑穀，設飯道路，以救飢者。又敕檢非

違使及左右京職，移養貧民於施藥悲田兩院。

○東丹國使裴璆等來，先是契丹主阿保機攻

滅渤海，改號東丹，命其子突欲鎮之。璆等降附，

至是復來，敕責其失禮，卻之。此後渤海朝貢遂

絕。○雷震清涼殿，大納言藤原清貫、右中辨平

希世等震死。帝不豫。○帝病大漸，禪位於皇太

子，尋崩。遺詔薄葬，不奉諡。帝承歷朝積弊，勵精

求治，常患刑憲弛，嘗夜有婦人哭，夫者。帝遙知

東丹國使來

雷震清涼殿

小野道風書名臣言行

日本書紀卷之六

寒夜脫御衣

其聲非真曰。是必有奸詐。乃令檢非違使考問。果與姦夫謀殺其夫者也。聞者服其敏。又性慈仁愛民。嘗方寒夜親脫御衣。以省民間凍餒。每群臣奏對。必和辭色以接之。嘗曰。人主持已嚴。恪臣下何得盡言。帝臨御日久。國家無事。世以比仁德帝。後世言治必稱延喜焉。崩年四十六。  
葬山城山階陵  
史論曰。古稱賢君不世出。我國家以神明之胄。建無窮之基。賢君良主踵武而興。特舉延喜之

治為中世之稱首。然世徒知寒夜脫御衣之為君德。而不知假辭色以求盡言之。尤為盛德。此致治之本也。當是時材能之臣布列朝廷。帝能屈已咨詢。容納讜言。制作禮度。煥乎其有文章。格式之設。天下至今賴之。  
青山延子曰。天下之患莫甚於壅蔽。蓋人君居廣廈之下。帷帳之內。所視不過垣牆。而所與居者。非婦人女子。則奄豎頑童而已。而左右前後亦莫非佞諛之徒。人君日與之共居。初逢迎承

順而不聞君子之讜言。適聽逆耳之言。艱然以怒。不以為狂。則以為愚。故下有姦臣而弗知。百姓怨嗟而弗聞。老臣專政。胥史弄權。威福之柄。下移而弗悟。釀亂胎禍。而恬然以為天下又安。萬世無虞。而不知危亡之憂已逼。且夕此古今壅蔽之常患也。賢君知其然。故親忠直而遠佞。諛開言路。而決壅蔽。所與居者。莫非謇諤匡弼之臣。聽以天下之耳。視以天下之目。故能持盈而不溢。居高而不危。此其所以長保富貴而社稷鞏固。無土崩之患也。帝初雖聽讒邪之言。而逐忠臣。後深自懲艾。開言路。進忠直。虛已受諫。謇諤之言。惟恐不聞。此延喜之治。所以為後世之稱首也。後之人君。苟以帝為師。安有壅蔽之患哉。

第六十一世  
紀元千五百  
九十一年

朱雀天皇  
諱寬明。醍醐帝第十一子。母皇后藤原氏。攝政基經第四女。在位十七年。改元二。曰承平。天慶。○按自神武帝至朱雀帝。千五百九十一年。其間內亂外寇。不為數。然稱勳兵革者。蓋不過十四五。回征伐。皆出自天子。而將帥之任。未有世官。世族者。有之始於朱雀帝天慶以後焉。

官世族者。有之始於朱雀帝天慶以後焉。

帝資稟薄弱常養深宮罕見天日至是即位

甫八歲左大臣藤原忠平奉先帝遺詔攝行

政務按基經薨後不置攝政關白者

承平元年辛卯以京師多盜令近衛衛門檢非違

使每夜巡警○法皇崩上皇壽六十五火葬大

○是歲詔諸國勸課農桑墾開不堪佃田○三

年先是右大臣藤原定方薨是歲以大納言仲

平忠平為右大臣時平仲平忠平相繼居○南

海海賊起遣警固使於諸國尋令兵庫允在原

南海賊起

平將門起亂

相安追捕海賊○五年下總人平將門起亂

總介高望賜姓平將門其孫鎮守府將軍良持子稱相馬小二郎初將門仕攝

政忠平求因其薦為檢非違使忠平不省將門

憤怒去赴東國居相馬里恃其勇常事攻剽百

姓患之嘗與伯父常陸大掾國香及叔父下總

介良兼有隙至是遂攻國香殺之國人源扶出

兵禦戰將門急擊弁殺扶及其一弟源護扶之

聞而怒焉○平貞盛之子在京師聞變馳還關

東謀報父仇然衆寡不敵遲疑未決時從弟良

將門殺國香

平貞盛



正護女亦欲為護報仇往在常陸將門聞之來  
 攻良正戰不利乞援良兼○六年先是源護訴  
 將門於京師朝廷將討之將門先馳詣闕上疏  
 自辨○南海海賊以船千餘艘剽掠貢調海路  
 不通敕以從四位下紀淑人長谷雄為伊豫守  
 追捕之淑人務招流亡賑困窮威惠並行降者  
 二千餘人渠帥小野氏寬紀秋茂等亦來歸淑  
 人悉釋之分給廢田及衣食令之就農耕南海  
 乃安時藤原純友為伊豫掾潛蓄異圖任滿不

南海平

還居日振島○以左大臣忠平為太政大臣攝  
 政如故大納言藤原恒佐良世子為右大臣○是  
 歲右大將保忠薨○七年將門遭釋還下總先  
 是良兼帥兵赴常陸吏民過者甚眾良兼不聽  
 乃從間道潛行良正來會貞盛亦會之與俱率  
 數千人而發將門帥兵偵邏適遇之於下總界  
 將門經數戰兵士頗疲羸良兼望見侮之蒙楯  
 進戰却為其所敗至是良兼又往攻會將門患  
 脚疾擊破之將門兵不滿十人瞋目大呼馳驟

平貞盛與將門戰

奮戰良兼潰走貞盛謂是私鬪也不若受救討之乃退○天慶元年戊戌右大臣藤原恒佐薨○夏地大震冬大雪深丈○是歲平貞盛赴京師將門急追之戰於信濃貞盛大敗脫身至京請問將門罪許之貞盛還東國將門勢益猖獗貞盛不敢發已而良兼卒○二年盜射殺尾張守共理○將門既據下總攻常陸介藤原維幾執之遂取常陸先是武藏權守興世王赴任襲郡司武藏武芝掠奪其資財將門聞之往為之和

平將門叛

解至是興世說將門曰關東八州沃饒而四塞可據以霸天下夫取一州誅取八州亦誅誅一耳顧公安所決將門曰善吾皇孫也先取八州然後直指王城將門遂叛興世素兇險喜亂於是氣類相從焉○先是攝政忠平叙從一位聽牛車出入關門至是准三后如良房故事聽輦車○帝始讀史記○將門率精騎攻下野守藤原弘雅迎降轉入上野逐介藤原尚範奪其府廳將門弟正平諫曰天位有命不可以智力爭

平新皇

外部鬼王

藤原純友叛

也願熟慮之將門曰今之世戰勝者為君不勝者臣我武固天縱何所畏憚乃自僭號平新皇建偽宮猿鳴署置文武百官於是諸國長吏相率遯逃世呼曰外部鬼王○前伊豫掾藤原純友叛初將門在京師與純友友善嘗同登比叡山下瞰皇城曰大丈夫不當宅此耶遂謂純友曰吾王族當為天子公藤原氏當為我關白至是純友聞將門果叛抄掠南海諸邑以遙應之乃圖犯京師潛遣兵行火東西京京師騷擾時

備前介藤原子高謀知之欲詣京師奏聞純友使人追執之并害其子朝廷震駭發警固使於諸國又下優詔授純友從五位下純友不悛狂悖日甚讚岐介藤原國風往討之不利死者數百於是東南皆為賊藪矣○三年敕進天下各神位階禳東南賊下官符東海東山二道募勇士其殺賊帥者賜朱紫田地傳之子孫斬次將以下者隨勳賞之○將門聞貞盛奉官符在常陸帥兵五千往索貞盛不獲先是下野押領使

藤原秀郷

藤原秀郷

稱儀

欲屬將門往見之將門方梳髮

捉髻而出接款之及進饌飯粒墮前拾而食之

秀郷知其輕躁不足與有為也乃去屬貞盛貞

盛潛匿不出將門駐軍數日不知其所在遂還

下總散遣兵士從兵不滿一千貞盛窺其無備

與秀郷合兵四千餘人急襲之將門大驚帥兵

出拒貞盛既薄賊營將門奮劍自戰貞盛督衆

曰天威下誅汝等勿敢撓將門遂敗走貞盛秀

郷追躡至下總將門有精兵八千未暇聚衆僅

四百乃伏之辛島欲誘貞盛圍擊而貞盛潛遣

人火將門營官軍大振將門獨身出走貞盛追

馳射中其右額墮馬秀郷進斬其首誅叛臣至將門及興

世凡是日殺賊百九十七人獲兵器各有數索

捕餘黨與世王以下悉伏誅八州皆定○先是

廷議以參議藤原忠文為征東大將軍弟忠舒

及源經基為副將軍詔下忠文方食擲箸入朝

賜節刀不還家而發進至駿河聞事平乃還○

朝廷論東征功秀郷叙從四位下任下野武藏

將門伏誅

源經基

日本正言 卷之六

平氏旗用赤

源氏旗用白

二國守賜功田傳之子孫貞盛叙從五位上任

右馬介貞盛後任鎮守府將軍世呼曰平初將

門之叛經基為武藏介間行入奏其狀因拜從

五位下至是補太宰少貳經基父貞純親王為清和帝第六子故世

呼經基曰六孫王後任鎮守府將軍子孫世為武臣其旗用白是時眾議以為

忠文亦宜與褒格大納言藤原實賴以其無功

不可藤原師輔曰是不為無功何可獨遺實賴

固執不可○是歲伊豫賊帥藤原恒利納款於

讚岐介藤原國風國風以為鄉導進衝賊巢窟

大破之純友走太宰府火周防鑄錢司又侵土

佐○四年先是以左近衛少將小野好古為山

陽道追捕使長官太宰少貳源經基為副官右

衛門尉藤原慶幸為判官右衛門志大藏春實

為主典分赴播磨讚岐造戰艦二百餘進討純

友臧一千五百餘艘逆之至是又以參議右衛

門督藤原忠文為征西將軍總督諸軍討之未

發好古與經基春實等水陸合攻戰於博多津

春實裸袒被髮執短兵直入賊軍藤原恒利等

日本正言 卷之六 二十八 萬葉集

純友伏誅

繼之斬馘無算。縱火燒賊船，眾遂潰。官軍乘勝  
鏖戰，奪八百餘艘，賊殺溺殆盡。純友單舸逃還  
伊豫，為警固使橘遠保所誅。誅，凡七人。餘黨尋  
平。

賴襄曰：天慶之亂，由相家驕傲，壅隔上下之所  
致。蓋君相所務，不過目前之私，天下之紀綱廢  
壞也。人才壅滯也，姦雄窺伺也，皆漫不省恤。及  
其潰決，所謂雖有善者，無如之何者，何況朱雀  
之公卿乎？徒呼號神明，以求救濟，不足恠也。朱

雀之時，右大將保忠每冬月入朝，茶餅懷之以  
自煖，稍冷賜之。從者世稱其慈惠，呼為賢人大  
將。右大臣實賴聚群兒，啖菓隔牆聽其語，以知  
世情。世稱其用心於政。當時大臣之所為，徒如  
此類而已。微祖宗德澤，此焉能濟禍亂而何足  
責哉。

初，將門在京師，候敦實親王第，從騎甚盛。貞盛  
亦往候，遇之門入，見親王曰：憾臣少從者，不克  
殺將門，異日為天下患者，必將門也。至是如其

始幸賀茂

盜殺橘遠保

言。○是歲太政大臣忠平改攝政為關白。如基經故事。○五年帝幸賀茂社奉神寶。賽賊平賀茂。行幸始于此。○七年以大納言藤原實賴為右大臣。○是歲盜殺美濃介橘遠保。遠保嘗擒純友。其殘黨所為云。○九年帝禪位於皇太弟。遷朱雀院。帝性柔仁。議者以為時政過寬。關白忠平嘗從容言及之。帝曰。朕聞之先帝。卿之先人嘗曰。政如張琴瑟。大絃急則小絃絕。朕若嚴急下民。何堪。

史論曰。暨乎帝世。長鯨短狐。東西煽亂。檀車四馳。而民不聊生。帝之寬裕溫厚。足以維持人心。而反有燧燧之虞。天將生蚤賊以警人主乎。抑上下偷安。政教廢弛之所致歟。書曰。儆戒無虞。罔失法度。有國家者。可不正綱紀而振頽俗乎。山縣禎曰。臯陶稱舜德曰。臨下以簡。御眾以寬。孔子曰。居上不寬。吾何以觀之。君道尚寬固矣。然寬之失。或縱於是。亦不可不濟之以嚴也。秦平之久。人情縱肆。庶事易廢。弛焉。故易大有之

九五曰威如吉人君用威嚴使人畏懼戒備而後可以永保吉也故子產亦曰濟寬以猛蓋人君為政寬猛相濟恩威並施而後可以圖治於永久也若寬之過而至縱肆則亦不可不戒矣先是列朝相承寬仁為政人情狃安事漸縱肆殆將萌衰頹之機矣當此時宜正綱紀嚴法制以振頹俗也而帝專以寬仁為尚者恐非得時中者矣

村上天皇 諱成明朱雀帝同母弟在位二十二年改元四曰天曆天德應和康

第六十二世紀元千六百

七年

保

初帝為親王時累官上野太守太宰帥天慶七年先帝立為皇太弟至是受禪年二十一尊先帝曰太上天皇太政大臣忠平總括庶政

天曆元年 丁未 帝既即位於太極殿以右大臣實賴 忠平長子 為左大臣大納言師輔 忠平次子 為右大臣 忠平父子並列三台 榮貴顯達世無與比 ○課試醫學士 ○先是東西京饑疫給貧民錢至是復賑給米塩尋議減



藤原忠平薨

物價○是歲吳越遣使來贈書左大臣實賴實賴答之在廷大臣與異邦人主使命往來始于此○鎮守府將軍平貞盛奏賊坂麻呂作亂官符糾察其狀貞盛嘗誅平將門勇名著聞乃使之鎮東陸而是時朝憲稍弛故賊徒橫暴如此○二年京師多盜先是竊賀茂齋院物至是入右近衛府曹司又屢入禁內乃敕諸衛令嚴巡視○三年紀在昌講史記○關白太政大臣忠平薨敕廢朝三日贈正一位封信濃公諡貞信忠平性寬仁及薨朝野惋惜嘗相工視忠

置和歌所

平日神識才貌靡不協吉保榮貴者其在斯人乎二子皆登顯職果如其言○前太上天皇崩陽成壽八十二葬山城神樂岡東北陵○給葬學院年官準勸學院○五年先是命大江朝綱菅原文時等選古今詩至是又置和歌所以藤原伊尹為別當命大中臣能宣紀時文等撰後撰和歌集○六年太上天皇崩朱雀壽三十遺詔薄葬勿置陵火葬來定寺北野藏御骨後山階陵側稱朱雀院按宇多帝以後廢諡號而以此院為稱始于此○七年大納言藤原元方薨初元方女八宮為更衣生廣平親王時帝

吳越使來

菅原文時上封事

未有繼嗣。元方竊喜謂必為儲貳。而右大臣師輔女為女御。生憲平親王。生三月立為太子。元方失望。遂以憂卒。後冷泉帝病狂。華山帝出家。三條帝失明。世謂元方為崇也。○是歲吳越遣使來。贈書右大臣師輔。師輔答之。○八年。敕大內記菅原文時。道真之孫上封事言闕政。文時條陳三事。其一禁奢侈。略曰。方今風俗極奢侈。至官途之交。私門之謁。靡不相競。致力故貧者固失資。富者亦傾產。蓋上之所為。下必趨之。昔吳王

好劍客。百姓多癩瘡。楚王好細腰。宮中多餓死。夫餓與癩。人之所惡。然尚如是。願朝廷苟禁奢侈。天下必從儉。其二停賣官。略曰。方今授任非不正。而有以財官。人助國用者。功勞之臣。自退聚歛之徒。爭進。昔漢明帝不許公主為子。求郎而賜錢十萬。以官非其人。則害及百姓也。降及桓靈。乃初賣官。漢業以衰。是可鑑也。其三請懷遠人。帝皆嘉納焉。

藤井臧曰。清行文時封事。竝以禁奢侈為第一。

策而文時所說殊覺切實請停賣官論中引漢館陶公主為子求郎之事曰所以輕厚賜而重薄位者以官非其人則害及百姓也亦說得好至於請修鴻臚館則為詞人文士謀者居多伊川先生曰古之學者一今之學者三異端不與焉一曰文章之學二曰訓詁之學三曰儒者之學欲趨道舍儒者之學不可以此觀之則文時請修鴻臚不如清行請給大學生徒之食料也二子之學異同可見

永井定宗曰古之治國家者量入以為出故取之有藝用之有節人君若驕侈不量出納之數取之不以其道用之無節則財用常不足於是乎橫歛暴賦方起細民饑寒至魯妻鬻子矣故人主立政之本在禁侈節用也宜哉文時之封事以禁奢侈為第一策唯惜帝之不能納用矣十年夏旱詔減服御常膳錄寬枉賑鰥寡免五畿七道逋負○先是盜殺駿河郡司伴成正及判官代永原忠藤尋殺介橋忠幹至是國司奏

日本正言 卷之六

高杉村赤版

本國地形多嶮阨盜賊恃以為據而國宰不具兵仗何以得追捕請國郡司以下悉帶劍許之

○天德元年丁巳罷左大臣實賴左大將以大納

言藤原顯忠時平代之中納言藤原師尹忠平之子

兼右大將○吳越持禮使盛德言來○以連年

穀價騰貴運近國不動穀於穀倉院置常平所

○二年鑄新錢文曰乾元大寶○鎮守府將軍源經基

卒于滿仲襲父官○是歲有狂女食人世謂之

女鬼○四年御清涼殿為歌合會鬪歌謂之歌合會始

源經基卒

歌合會

藤原師輔薨

于此○右大臣藤原師輔薨師輔敦雅客眾雖久

以父時實僚多來歸焉于五人皆○以大納言

藤原顯忠為右大臣○禁中火歷代重器文書

多蕩盡帝避火於太政官朝所皇太子從焉帝

召左大臣實賴詔曰朕以不德久居尊位遭此

災殃憂歎何已敕索神鏡獲之灰燼中形質不

損內侍女以袖受之以出遂稱鏡曰內侍所○

應和元年辛酉先是帝徙御冷泉院敕課畿內南

海及東至美濃西至長門十六國修宮至是成

禁中火

內侍所

日本正言

卷之六

三十五

高杉村赤版

試文章生

乃還御詔免造宮諸國今年半租。○是歲親試文章生。○二年帝嘗設內宴命群臣賦詩帝作先成頗自負及管原文時詩成帝以為絕唱因命文時評其優劣文時曰聖製固優帝強問文時曰臣作實上聖製一等乃逃帝益歎賞至是幸朱雀院召文臣四十人獻詩親試

青山延于曰帝王之學本諸躬行而措諸國家此教化之所以行而治道之所以盛也後世帝王徒事文辭之末技而修身正心之學置而不

講此教化之所以不行而治道之所以衰也帝以英邁之資留意文學其施設亦有可觀者然其所好不出於絺章繪句風雲月露之外至乃與文人才子競優劣較短長其累帝德也不亦大乎。

山縣禎曰帝深好詩歌常玩心於翰墨風月之間搢紳承化競事辭藻詞藝之盛前古莫及也雖然文過之弊常易柔懦上柔下慢於是乎暴民作矣及帝世而皇居官府連罹災輦轂下盜

賊橫行數入禁內。放火宮闕而莫之能制。時俗之柔懦。政事之寬縱。亦可想也。中古之盛治。雖以延喜天曆爲稱首。然文柔之政。豈得無兆衰頹之機哉。大抵昇平之久。俗日趨文華。文華之弊。流衰弱。於是乎上威衰而權下移。亂亡至矣。亂亡之機。既兆盛治之時。其端固非一。有國家者。可不常恐懼脩省。制治於未亂。圖存於未亡耶。

康保元年

甲子

皇后藤原氏崩。

師輔

之女

后敦友弟能

通下情。帝屢問政事。有所裨益。然性嫉忌。女御芳子師尹之女以明慧得寵。其居室與后隣。后嘗穴墻窺之。見其絕豔。大恚。至碎土器擲之。后崩。帝乃念之。后妹登子爲帝兄重明親王室。出入宮中。帝悅之。通焉。及重明薨。欲納之。而憚后崩。未幾。乃納爲尚侍。絕寵之。自是帝漸怠朝政。左大臣實賴竊惜其累德焉。○是歲栽櫻樹於紫宸殿南階。東先是植梅樹。天德中罹災。乃易以櫻樹。明年栽橘樹於階西。○二年。右大臣藤原

左近櫻  
右近橘

顯忠薨顯忠性節儉出無前驅初時平諸子皆發世人以為菅氏崇顯忠深畏慎每夜出庭拜訖○三年以大納言源高明醍醐帝第十七子榮達獲久榮達獲久

為右大臣○先是帝幸朱雀院觀左右馬寮騎

至是御射場試親王公卿以下射○四年帝崩

壽四十二遺詔薄葬勿置陵葬葛野郡村上山陵帝性明

敏自太政大臣忠平薨不置攝政關白親臨萬

機勵精圖治常自謂理下以嚴民必難堪矣嘗

聞侍臣言天下稱時政為寬喜以為合素志至

聞一老吏言主殿寮多費燎燭率分堂前生草

前代所未見帝悟其劇務至夜歲貢少輸自是

益加勉勵德遂亞醍醐帝故後之言政治者皆

稱延喜天曆焉帝寬怒恩無偏私最愛文士源

延光為大納言帝甚任用之適有踈待色延光

懼不朝帝俄召見曰學生藤原雅材者甚有文

才卿盍薦之延光惶懼乃奏雅材為郎其好學

愛才如此皇太子立





日本書紀卷之七

萬卷林齋

關白機務按忠平薨後不置攝政關白者聽

牛車出入宮門立皇弟守平親王為皇太弟

初帝在東宮多病先帝憂之欲立為平親王

為嗣然以其婚源氏納源高明女為妃憚藤原氏而

不果立臨崩謂實賴曰朕欲立為平然勢不

得立卿意必在守平也至是實賴遂援立之

詔以實賴為太政大臣職仍舊右大臣源高

明為左大臣大納言藤原師尹為右大臣是

頒延喜式

歲始頒延喜式

青山延于曰甚矣外戚之盛也為平村上之

所鐘愛而圓融之兄也兄弟之序宜立而藤

原實賴以其婚源氏忌之遂立圓融以帝之

英明尚為權戚所掣肘況庸昏之主欲不為

之所制豈可得乎

山縣禎曰藤原氏之意欲子為后孫為天子

而躬為外祖以專威福世世以此意相承使

天下之權柄全在其手天子不能少有所違

拂束手而聽從而已然猶守名分未敢顯然

日本書紀

卷之七

二

萬卷樓藏版

逆其迹焉。君子若誅其心，則豈能免為逆節哉。

安和元年戊辰，詔以村上帝忌月廢五月五日節。青山延于曰：文武帝始置七節，以為行禮講武之日，非若踏歌曲宴一時遊戲之比，不宜以忌月廢之。而歷世因循不革，此失禮之大者也。山縣禎曰：古者有忌日而無忌月，其有忌月者，出於後世俗論也。唐王方慶曰：若有忌月，即有忌時，忌歲益無理據。蓋禮文之所不載，固不足

取焉。而朝廷以此廢禮，豈可乎。

貶源高明

二年，貶左大臣源高明為太宰權帥，以右大臣藤原師尹為左大臣。大納言藤原在衡為右大臣。初，帝病未愈，中外皆謂當禪位。中務少輔橘繁延與前相摸介藤原千晴、僧蓮茂等密謀，挾為平親王，奔關東作亂。左馬助源滿仲亦與焉。已而滿仲有憾於繁延，遂與前武藏介藤原善時上變告之。師尹害高明常謀，因事排之。代其位。至是，聞滿仲等奏，因令之，弁誣高明。帝未之

源滿仲

信師尹急遣兵圍高明第遂貶之繁延千晴等皆處流為平親王憂懼欲削髮遁世以子幼不果○帝疾劇禪位於皇太弟

圓融天皇

諱守平冷泉帝同母弟在位十五年改元五日天祿天延貞元天元

永觀

帝初登儲位攝政實賴與有力焉至是受禪時年十一先帝患狂疾已久由是天曆之政衰而帝又幼冲政務一決於實賴

天祿元年庚午帝既即位於大極殿尊先帝曰太

藤原實賴薨

藤原在衡薨

上天皇立皇姪師貞親王為皇太子○先是左大臣藤原師尹薨至是以右大臣藤原在衡為左大臣大納言藤原伊尹師輔之子為右大臣○攝政太政大臣實賴薨贈正一位封尾張公諡清慎實賴練達朝典人稱其盡心政治以右大臣伊尹攝政○左大臣藤原在衡在衡左大臣魚名之裔起文暴風雨未嘗不參朝以備帝顧問雖在車中常看書入朝占對莫不明悉以是得寵源高明之被謫也在衡聞而歎惜家臣賀當代○二年以其位在衡大怒逐之其端嚴如此○是歲召還源高明右大臣伊尹為太政大臣○

○三年太政大臣伊尹罷攝政尋薨贈正一位封參河公諡謙德○詔權中納言藤原兼通弟兼家兄參決庶務尋為內大臣初村上帝時兼通請中宮兼通之妹令手書曰攝關有闕當兄弟相及不宜躐等兼通常懷其書時弟兼家已顯達至大納言而兼通淹滯以是缺望屢廢朝參帝亦稍踈之及兄伊尹將薨兼通切望攝關又恐兼家妨乃迫帝呈中宮手書帝視母后手跡愴然乃超任之由是兼家與兼通有隙○天延元年

盜燒源滿仲家

癸酉盜焚源滿仲家延燒二百餘戶又殺人帝召武人警衛禁內先是滿仲告橘繁延等謀反連坐者眾其後盜屢襲滿仲至是凶猛尤甚○二年以內大臣兼通為太政大臣尋關白庶政兼通威權日熾造第于堀河制擬宮闕甚極壯麗有謗者中以峻法時人相語曰寧值乳虎勿觸攝政怒○三年六衛府官人執弓箭詣陽明門訴諸國司不給糧米設幄以待命在京國司處斷之○是歲盜入大炊寮及施藥院○貞元元

禁內火

日本正言

卷之七

萬卷樓藏版

年丙子禁內火帝避遷御職曹司○京師及近江地大震宮城官舍佛寺多壞民壓死者甚多帝避出南庭周幄為御坐遂徙御關白兼通堀河第第既人呼曰今內裏○詔課諸國造宮城○以災異蠲除諸國天祿三年以前逋負免天下徭半○二年罷左大臣源兼明高明之兄為親王時關白兼通專恣日甚欲以從兄藤原賴忠實賴子為左大臣誣奏兼明有疾策為親王任中務卿陽尊之實奪之權兼明意甚不平將卜居於

菟裘賦

龜山又為兼通所沮乃作菟裘賦譏焉○以右大臣藤原賴忠為左大臣大納言源雅信敦實親王子為右大臣○帝徙御新宮○初關白兼通長女媿子為帝女御既而立為皇后時大納言兼家長女超子為上皇冷泉帝女御至是又欲使次女詮子侍帝兼通怒曰我女既為中宮而彼又欲進其女乎由是嫌隙滋甚兼家第與兼通堀河第相隣有朝臣訪兼家者兼通每罵之人畏之皆以夜往焉及超子生皇子兼通益不悅白

日本正言

卷之七

六

萬卷樓藏版

帝曰兼家奉院皇子圖廢立宜先事擯斥之帝不信○兼通有病罷關白以賴忠代之初兼家聞兼通病革以為既亡將奏請代其職急裝而入朝兼通聞其喝道聲以為問己病拂席以待兼家過門不入兼通乃大怒力病奮起扶左右以朝兼家方在帝前望見兼通駭避兼通意色殊惡直前奏曰臣今將終請一行除曰賴忠關白器也當代臣兼家謀反當解見任左轉治部卿帝不能違其意竝奏可兼通顧公卿曰誰欲

藤原兼通行除目

大將皆相曰不敢言中納言藤原濟時師尹進之子請乃奏奪兼家右大將以代之兼通又欲處兼家於流然無罪可斥不能逞怒而止○敕兼通准三后尋薨敕輟朝三日贈正一位封遠江公諡忠義子權大納言朝光為帝所寵尋兼右近衛大將

史論曰戚畹盛則宗室衰權臣重則朝廷輕此必然之勢也兼通忘友于之誼與兼家相軋欲使賴忠為關白因奪源兼明之左相處閑散之

地而授大將於濟時若搜囊中物此與唐盧從  
史得昭義節度使何異但從史猶有中使傳旨  
而兼道則直授之無所顧主上拱默聽其所為  
群從子弟皆以榮達貴顯為賢而材能操履無  
所稱道奔競之風傷化壞俗可勝浩歎哉

天元元年寅海賊殺備前介橘時望○以關白  
賴忠為太政大臣職仍舊右大臣源雅信為左  
大臣大納言藤原兼家為右大臣初兼家與兄  
兼通不協居常怏怏不樂作歌寓意哀訴於帝

始幸石清水

賴忠憫其沈滯屢為請之因有是命○二年帝  
謁石清水宮幸始于此○三年禁內又火殿舍

禁內火

盡燒○四年帝徙御新宮詔免與修宮役諸國  
今年租半○五年京師多盜夜露刃登弘徽殿  
即捕獲之○先是海賊大起奪諸國調庸至是  
益熾劫掠行旅敕誠檢非違使懈怠令修其職  
○盜火式乾門竊雜器尋禁內又火帝遷御堀  
河後院○永觀元年癸亥敕檢非違使捕京畿私  
帶弓箭兵仗者案之○左近衛權中將藤原公

日本正言

任途見僧被縛問之吏曰此殺其主者公任曰何悖逆乃爾僧恨其不救己及遇赦欲殺之乘夜伺公任掖而去投之山中積薪上方放火會有人發箭僧驚去公任乃獲還家○二年帝禪位於皇太子

華山天皇

諱師貞冷泉帝長子母贈皇太后藤原氏攝政伊尹女在位三年改

元一曰寬和

帝受禪於堀河院時年十七即日遷御新宮立先帝長子懷仁親王為皇太子初太子生

第六十五世紀元千六百四十五年

母詮子與賴忠女遵子並為先帝女御甚有寵生太子於兼家第時藤原皇后崩兼家謂吾女必為中宮而先帝以賴忠故立遵子為后兼家失望自是稱病不朝先帝欲臨視太子亦憚賴忠不果適遇相撲節會欲令太子觀因強起兼家入朝先帝親諭之以傳禪意兼家乃驩至是詔帝遂定儲貳關白太政大臣賴忠如故帝既即位是時朝政廢弛紀綱紊亂權中納言藤原義懷伊尹之子左中辨藤原

日本文記

卷之七 華山

九

高家集



詔求直言

惟成雅材之子參決機務義懷捷敏通朝典雖未  
 升台職然以外舅故親任惟成方正有才略  
 與義懷協心翼贊帝勵精圖治由是紀綱頗  
 張詔求直言曰水從繩則正后從諫則聖夫  
 人主以納敢諫為先人臣以進讜言為任國  
 之將興上下聚唇國之將廢道路以目雖澆  
 季之俗疲極之民忘身戮力庶可以濟人和  
 而天和民足而君足叔向有言大臣重祿不  
 諫小臣畏罪不言下情不上通此患之大者

也靜而思之誠哉斯言宜令公卿大夫內外  
 百官五位以上及秀才明經名為儒士者各  
 上封事匡朕不逮

永井定宗曰人君欲以一人之目見天下之  
 廣以一人之耳聽萬物之衆雖聖智之君不  
 能也況於庸主乎宜哉帝即位之初使群臣  
 獻封事以陳天下之情可謂知為君之道矣  
 或曰帝廣問天下欲隨民情而為治似知君  
 道然未幾淫女色為一婦人忘神器之重是

知治道而不行治道者也。夫知而不行猶不知也。曰然如此則帝非無過也。然按舊史帝歲僅十七以天下之秀色傾之豈得不為之惑乎。群卿諫之於其始而戒履霜之漸則不使帝至如斯之甚矣。惜哉朝廷之無諫臣也。山縣禎曰自古人君即位之初勵精求治者多矣及在位漸久而情勝欲肆漸生怠惰是以克其終者鮮矣。詩曰靡不有初鮮克有終不其然乎。

帝遜位入華山

寬和元年西先是左兵衛督藤原齊明傷彈正大弼大江匡衡而亡官符諸國索捕至是獲齊明于近江誅之。○二年帝遜位入華山寺落髮為僧初帝親任義懷惟成等輔政兼家疾之欲令帝早讓位而已秉威柄其子左少辨道兼桀黠探知其意多方為計時寵姬忒子病卒帝哀毀迷亂道兼乘之與僧嚴久開說佛典以動帝道心嬪御少進見義懷惟成深憂之至是經歲帝猶觸事感愴不已道兼勸帝曰陛下遜位臣

日本書紀卷之七十一  
高倉棟菴版

藤原義懷及  
惟成竝為僧

亦奉從帝意遂決道兼得間使人奉神寶於東  
宮夜潛奉帝出宮帝猶豫道兼急促之乃入寺  
及其落飾道兼給曰暫歸辭訣父母乃拂衣而  
去不復來帝始知為其所賣初帝出宮宮中妃  
嬪不之知天文博士安部晴明察乾象知有變  
蒼黃入奏不及厥明義懷聞帝在華山與惟成  
追至相視號泣惟成謂義懷曰君以外戚被重  
寄今日何顏復立朝義懷然之遂俱為僧朝政  
復衰矣

第六十六世  
紀元千六百  
四十七年

史論曰兼家所冀望者女為后妃身為外祖圖  
富貴以怙權寵而已生民榮悴國家休戚若胡  
越肥瘠之不相干故子孫皆效其所為而道隆  
道兼最有甚焉道兼誘君於不義陷父於不忠  
繩以誅心之法則大於逐君之罪天壤之間其  
能容乎

一條天皇 諱懷仁圓融帝長子母三條院藤原氏右大臣兼家女在位二十六年改元六曰永延永祚正曆長德長保寬弘  
先帝既遜位道兼之謀成焉兼家乃入朝行

日本書紀 卷之七十一 一條 高倉棟菴版

日本正言 卷之七 萬葉集

讓位儀帝立年甫七歲兼家攝政罷太政大臣賴忠關白上先帝尊號太上天皇弗受立先帝弟居貞親王為皇太子長於帝四歲兼家辭右大臣准三后位在三公上兼家素貪榮於是始得志矣

定新制

永延元年丁亥僧奮然還自宋獻印本一切經奮然永觀二年如宋太宗延見問我邦世紀奮然對以皇統一系宰輔世官事太宗嘆美曰蓋古之道也○定新制十三條尋申定五條○以早賑者老免逋負○一品中務卿兼明親王薨親王以

兼明親王薨

藤原兼家落京極第

源賴光

雄才博學嘗為左大臣為攝政兼通所忌不得展其志居常快快至是薨世稱曰○是歲申禁私帶兵仗○二年攝政兼家營二條京極第落之大宴朝臣東宮大進源賴光滿仲長子贈馬三十匹以頒賓客召河陽妓給絹四十匹宴集之盛前此所未有

賴襄曰攝政兼家之落其第也大宴朝臣源賴光贈馬三十匹以頒賓客世傳以為宴集盛事夫賴光時為東宮大進其職小也其祿薄也而

日本文已 卷之七 十三 萬葉集

藤原賴忠薨

有馬三十匹何哉。使當時公卿有虞天下國家者。可不加之意乎。蓋公卿大夫以恬熙為務。媮衣甘食。漁色鬪歌。而捕盜討賊之事。委之武臣。世官者曰。是賤事耳。而不省地方兵馬之富。漸歸其手。他日平治建久之勢。隱然已胚胎於此。永祚元年丑己。以大納言藤原道隆兼家子為內大臣。○太政大臣賴忠薨。贈正一位。封駿河公。諡廉義。賴忠性節儉。入朝常著布袴。云。○兼家為太政大臣。攝政如故。尋罷攝政。為關白。○正曆元年庚寅。罷兼家。

法興院關白

關白以內大臣道隆為關白。尋攝政。○前關白太政大臣兼家薨。先是剃髮。以故不賜諡。稱法興院關白。相家稱院。始于此。兼家在職僭橫。時有冷泉圓融華山三上皇。兼家不經諮稟。政一決於已。初兼家有疾。擇可襲已職者。謂左中辨藤原有國。右中辨平惟仲曰。吾二子孰可有國。曰。道兼有功於公舍之。不可。惟仲曰。舍嫡立庶。奈倫叙何。兼家從之。道隆怨有國不薦已。及其即職。首奪有國父子官。○初道兼誑先帝歸佛。使父兼

家秉權自謂我功足以襲職至是道隆既攝政  
 道兼缺望憤怨居喪不謹會客游戲源賴信光賴  
 弟仕道兼謂賴光曰吾力能刺道隆使我主代  
 之賴光掩其口曰母妄言事敗肝腦塗地汝主  
 亦豈可晏然止哉賴信乃止○二年法皇崩融圓  
 帝壽二十三火葬圓融寺北原藏御骨村上山陵側○攝政道隆  
 罷內大臣右大臣藤原為光兼家弟為太政大臣  
 大納言源重信敦實親王之子為右大臣權大納言道  
 兼為內大臣○皇太后以病落髮上號曰東三

鷹司相國

贈菅原道真  
太政大臣

條院稱女院始于此○三年太政大臣為光薨贈正一  
 位封相摸公謚恆德稱鷹司相國○從五位下  
 源忠良討阿波海賊俘獲頗多○四年道隆辭  
 攝政為關白○詔遣使太宰府贈故右大臣管  
 原道真左大臣正一位尋贈太政大臣○以右  
 大臣重信為左大臣左大臣雅信辭職尋薨○  
 五年帝始視除日○時京師多盜火後涼殿及  
 弘徽殿飛香舍先是藤原保輔右馬權頭致忠之子凶猾  
 為盜設阱於家屢誘殺商賈掠物命諸衛索捕

藤原保昌服袴垂

下獄。父致忠坐免官。藤原保昌嘗夜微行。有大盜袴垂者。欲劫褌之。衣提刀。追尾保昌。吹笛不顧。袴垂疑其勇。不敢發。保昌乍停笛。回顧。袴垂不覺。首服保昌。還家取衣。與之曰。乏則復來。勿作劫。是歲朝廷令源滿政滿仲弟平維時貞盛孫源賴親賴光弟源賴信等索盜。源賴光偶過賴信家。見繫盜廐。問之曰。鬼同丸者。賴光曰。縛鬼何緩。賴信乃以鐵索換繩。鬼同丸忿怒。夜斷鐵索。偵賴光。賴光適醉卧。賴信家忽覺之。呼從士警衛。

源賴光斬鬼同丸

且謂曰。明日當獵。鞍馬鬼同丸聞之。去至市原。剗野牛。匿于其腹。以待賴光。至見群牛游。命從士追之。渡邊綱射中死牛。牛忽突起。鬼同丸跳。出揮刀逼賴光。賴光迎擊斬之。士民為盜其兇。逆率此類也。○以內大臣道兼為右大臣。權大納言藤原伊周道隆次子為內大臣。伊周職超越先輩。以父道隆殊寵也。○長德元年。關白道隆疾累。表辭職。不許。請令子伊周攝省中事。許之。道隆尋薨。世稱二條伊周在喪。猶橫預朝政。○

七日關白

以右大臣道兼關白庶政尋薨道兼在職僅七日。世呼曰七日關白。○敕權大納言藤原道長兼家內覽太政官文書尋以道長為右大臣初道隆薨伊周自謂代父職而道兼為關白伊周失望使人咒詛道兼道兼適病薨伊周喜以為果得所願矣。帝以伊周中宮兄固親寵之故其意亦在焉。而輿論歸道長道長亦謂令伊周得政必亂天下。東三條太后素惡伊周為人勸帝用道長。帝不聽太后垂泣固請帝不得已從之。

伊周益憤恚又詛道長而無驗。○左大臣源重信薨。○二年貶內大臣藤原伊周為太宰權帥伊周弟權中納言隆家為出雲權守先是故太政大臣為光二女娶居鷹司第伊周私其姊華山法皇聞其妹美屢往挑焉伊周疑其與姊通告之弟隆家隆家乃率惡少數人夜要法皇還欲發矢怖之誤中御衣中外喧傳而帝為法皇慮不敢推驗已而東三條太后疾或言伊周修太元法咒詛例非官不得修此法帝乃怒因有



是命先是中宮有身出居伊周第兄弟皆赴配所中宮憂憤截髮為尼伊周途病帝聞之乃敕安置伊周于播磨隆家于但馬已而伊周潛還京省母帝遣檢非違使押送太宰府○伊周既至府大貳藤原有國聞之曰權帥先人嘗以怨削我官我微賤猶以為辱況權帥相門之種遠竄何可堪乃使子廣業迎之供設甚厚伊周大愧自是殊相親善○以右大臣道長為左大臣叙正二位如師輔故事大納言藤原顯光兼通之子

禁內火

頒新制十一條

為右大臣○三年先是中宮生皇女帝命入宮中宮不敢應詔至是大赦召還伊周隆家帝促中宮入宮寵幸如初○以大納言藤原公季師輔之子為內大臣○太宰府奏高麗侵邊獲其賊三十餘人○長保元年己亥禁內火帝徙御一條大官院○頒新制十一條○先是散位平致賴與前下野守平維衡構兵而戰藤原致忠殺前相摸守橘輔政子至是流致賴於隱岐徙維衡於淡路流致忠於佐渡○二年改中宮定子曰皇

后立女御藤原彰子道長之女為中宮初道長納彰子於宮侍女數十人皆妙選一時才色裝奩玩好窮極華靡光彩奪目帝悅曰殆令朕廢政已而皇后生皇子敦康帝未有嗣大喜欲見之憚道長不果至是帝召后及皇子入宮皇子敏慧美貌帝深愛之既而后又有身生皇女數日而崩○是時人才輩出源俊賢高明之子藤原行成伊子藤原齊信為光之子藤原公任賴忠之子以才藝稱竝為納言明習朝典世稱四納言而先后侍女有

四納言

清少納言

清原元輔之女

中宮侍女有紫式部

越前守藤原為

時之女

和泉式部

大江雅致之女

小式部

和泉式部之女

伊勢大

輔

伊勢祭主大中臣輔親之女

竝有才名善和歌文詞帝每

曰朕之不德唯得一人一事庶不愧延喜天曆之世然後世論者以為一時文弱之弊甚於延天

兩代非帝王所宜尚矣○是歲帝遷御新宮○

三年大疫賑給京師○禁內火帝徙御一條院

○復藤原伊周官進從二位○四年敕造宮制

度務從儉樸○始置內侍所神樂○五年帝遷

禁內火

天滿天神

禁內火

宸筆宣命

御新宮。○寬弘元年甲辰帝幸北野社。初天曆中民間追慕菅原道真建祠北野祀之稱曰天滿天神。此後朝廷奉幣不絕崇祀遂遍海內矣。○二年敕藤原伊周班大臣下納言上尋參預朝政。○禁內火神鏡大刀契焚帝徙御左大臣道長東三條第遣使於伊勢大廟奉宸筆宣命告神鏡罹災宸筆宣命始于此。○是歲盜殺大藏大輔平孝信。○三年造宮帝遷御一條院。○以星變屢見修仁王會以禳焉。○五年以藤原伊周准大

儀同三司

臣賜封一千戶尋叙正二位稱儀同三司即三司公。○法皇崩華山壽四十一葬山城紙屋川上法音寺北。法皇居元慶寺持戒精嚴歷游嘗苦至病卧海濱殆不起晚年入京居外祖母家稍近婦女志操遂變。○藤原中宮生皇子敦成於道長第帝臨幸飲宴盡歡初敦康親王生伊周謂必為東宮時人亦爭媚伊周及敦成生人無復訪者伊周大缺望會有流言伊周與高階明順咒詛皇子道長召明順責之明順憂懼而死鞠訊僧能圓

具平親王薨

處罪伊周坐事停朝參既而得釋○六年二品

中務卿具平親王薨村上皇子幼英敏長有文名世與兼明親王並稱曰

後中書王

史論曰村上皇子具平親王以文學才藝著於

當時聲譽亞于兼明親王大江匡房舉父子以

文事繼業者以親王為稱則帝好文之美亦可

併觀焉志操恬退不競權勢終能保其令名賢

矣哉

一條院火延喜天曆御記及累朝寶器盡焚帝

徙御左大臣道長枇杷第○七年准大臣藤原

伊周薨臨終自悔其志不遂誠子女曰女慎勿

誤身於人男勿阿附於權貴曾不如為僧之愈

也○一條院成還御○八年帝不豫禪位於皇

太子尋崩帝性慈仁嘗效延喜帝冬夜脫御衣

左右問之帝曰天方沍寒民必有凍者朕豈忍

獨重襲哉帝臨御日久常惡權臣道長專政而

終不能制焉初帝觀兼明親王薨裘賦中有扶

桑豈無影乎浮雲掩而乍昏叢蘭豈不芳乎秋

冬夜脫御衣

日本正言 卷之八

風吹而先破句。帝嘆息自書其句藏巾箱。及崩道長入卧内。覩以為指斥已怒而手裂之云。崩年三十三。火葬北山長阪野。藏御骨圓融帝陵側。皇太子立。

史論曰。所貴乎得賢才者。以其憲範王猷。能補袞闕。亮采熙載。躋斯民於仁壽之域也。方帝之馭寓號為多士。而謬誇鯁直之風。槩無所聞。王鳳之威方盛。而舉朝循默。無敢一效王章之忠憤者。果可謂之得人才乎。抑其所謂人才者。皆浮華麗藻之徒。而緩急不足恃歟。帝惻怛慈仁。

雅尚淳朴。雖總攬乾綱。不能及醍醐村上之治。而維持風教。猶有愈於圓融華山之朝。然則臣鄰之力。未可全無其得才能之士。亦可從而知也。

三條天皇 諱居貞。冷泉帝第二子。母贈皇太后藤原氏。太政大臣兼家女。在位

五年。改元一曰長和。

帝受禪於一條院。時年三十六。立先帝第二子敦成親王為皇太子。初先帝欲立長子敦康。而皇后既崩。伊周亦薨。以其無戚族之援。

第六十七世紀元千六百七十二年

又憚道長遲疑不決密謀於中納言藤原行  
 成行成慮後患亦勸立敦成遂從之中宮撫  
 養敦康不異其所生勸父道長立之道長意  
 在立外孫不聽

十一季  
 六十六對

史論曰皇朝立一宮中世之制也位號之  
 尊方在皇后而寵幸之渥實歸中宮故上東  
 門院立為中宮而定子更號皇后敦康親王  
 而一條之長子而定子所生也中宮勸其父使  
 立敦康而道長貪外祖之權不用其言及小

一條去儲位中宮又欲成先帝之志而道長  
 不可竟以後朱雀為皇太弟皆以中宮之所  
 生立為青闈則其欲益固戚畹之親而經營  
 私門蓋可知矣中宮不惟絲髮無妬心撫視  
 皇后所生子女不異己之所出不賢而能如  
 是乎

太上天皇崩帝冷泉上皇容止閑都似村上帝  
 然自為儲貳多病時或發狂后妃嬪御皆疑  
 懼不自安一日欲視神璽獨入卧内方啓函

日本書紀卷之十一

萬卷林齋

藏人頭藤原兼家排闥入奪之讓位後疾不  
瘳至是大漸道長入侍上皇忽發聲而歌道  
長驚去帝屢欲侍疾道長奏狀乃止崩年六  
十二。火葬櫻木寺前野藏御骨山側稱冷泉院  
山縣禎曰宇多帝以降天子崩不上諡冷泉  
帝以後不復稱天皇以院稱之而名號輕及  
藤原兼家號法興院人臣院號亦始于此至  
於後世不復知院號之為尊士庶混淆稱之  
也夫天皇名號之尊雖攝關公卿孰敢犯之

而況士庶乎故名號正而後上下之分嚴矣。  
是以君子不敢以名與器假人禮曰名者人  
治之大者也可不慎乎今名號輕而下易僭  
踰皇室衰替之漸是亦足觀其一端矣。  
長和元年壬子帝既卽位於大極殿左大臣道長  
知太政官文書如故○道長專擅威柄朝臣諂  
附天子拱默不得有所親與獨權大納言藤原  
實資實賴之孫侃然正色無所諱避帝竊倚賴焉○  
先是帝在東宮納道長女妍子為妃道長積備

藤原實資

日本書紀卷之十一

二十四 萬卷林齋

裝奩器玩幾十年其奢靡過上東門院至是立  
 為中宮帝又以娥子生皇子欲冊為皇后然例  
 納言女不得為后而又憚道長不決道長揣知  
 其意勸帝追贈娥子父故大納言藤原濟時太  
 政大臣遂立為后然實非道長意也及冊拜朝  
 臣諂道長者恐補其宮職悉往中宮以避帝遣  
 使召之無應者甚至罵辱敕使投以瓦礫右大  
 將藤原實資適卧病聞之曰何附權勢之醜而  
 忽朝命之甚也即力病與中納言藤原隆家等

大江匡衡卒

禁內火

入朝預嘉會帝深德之○是歲式部大輔大江  
 匡衡卒匡衡以文學著然轆軻不達志其妻赤  
 涿衛門嘗著榮花物語叙述藤原氏盛  
 事○三年禁內火尋內藏掃部二寮又火累世  
 寶器盡焚帝徙御左大臣道長枇杷第○四年  
 宮成還御○先是帝罹眼疾至是未愈左大臣  
 道長數諷帝遜位帝知其望太子早登祚心甚  
 不懌而病不能視朝乃詔道長行京官除目於  
 直廬儀准攝政因謂左右曰除目既委道長其  
 所為果出於不公耶譴在彼朕不與焉○禁內

十寸半  
六寸八寸



禁內火

第六十八世紀元千六百七十七年

火帝復徙枇杷第○道長諷帝不已使醫官治其目疾醫誤進金液丹遂喪明○五年帝禪位於皇太子

後一條天皇

諱敦成一條帝第二子母上東門院藤原氏左大臣道長女在

位二十一年改元四日寬仁治安萬壽長元

帝受禪於上東門第生甫九歲立先帝皇子敦明親王為皇太子初先帝嫉道長逼勸禪讓而力不能拒決意脫屣欲以敦康親王為帝儲貳道長沮之先帝益憤怒至是道長奏

請立敦良親王先帝不聽遂立敦明年二十三既而帝即位於大極殿道長攝政准二后如良房故事尋罷其左大臣是歲課諸國造宮

寬仁元年丁巳以右大臣藤原顯光為左大臣內大臣藤原公季為右大臣權大納言藤原賴通道長為內大臣道長罷攝政令賴通襲職位班左右大臣上○太上天皇崩三條壽四十二火葬

皇太子辭位

石蔭藏御骨○皇太子辭位時道長專肆滋甚

自上皇崩朝臣皆以太子之非道長戚腕畏憚不敢起居東宮東宮僚屬亦顧慮不安於其職門庭蕭然日就荒穢太子執立怏怏不樂因欲託疾避位乃召道長子能信告其意道長聞之大喜謀之大納言源俊賢俊賢勸速行事乃急奏帝及上東門院門院曰嚮先帝有旨今宜立敦康道長不可率朝臣而往導從絡繹見者驚恠道長遂使太子遜位即日立敦良親王為皇太子太子宮室從而毀撤嬪侍靡不獻欵時太

小一條院

子母堀河太后聞其有變遣侍女候之至則被廢輒大驚惋悲號曰皇太子何罪遽至此道長在坐病之又欲慰安太子兼掩物議乃奏賜號曰小一條院置年官受領吏准上皇封戶仍舊又納其第五女為妃太子差安之於是天子皇太弟皆道長外孫一如兼家時○以前攝政道長為太政大臣尋罷○二年帝遷御新宮○立道長第三女威子為中宮於是道長一家三后前此所未有也后兄教通亦請納女帝悅然心

女真之亂

憚后不許后性妬忌年長於帝九歲常防寵移  
 諸姬不得進○三年女真賊船五十餘艘寇對  
 馬轉犯壹岐殺守藤原理忠進至筑前文室忠  
 光等防戰射殺數十人太宰權帥隆家伊周遣  
 前少監大藏種材其子光弘及藤原明範平為  
 賢等逆擊大戰女真俗素善射箭能洞楯故臨  
 戰每人必持楯跋涉山野疾如飛隼但怕鳴鏑  
 是時我嶋民被虜掠在賊船者遙呼我軍曰馳  
 馬射之我軍乃雨射鳴鏑賊驚潰嶋民得逃還

時大風兩日賊困於進退隆家獲間發兵船數  
 十艘追擊賊轉寇松浦前介源知擊却之賊悉  
 潰隆家兵船將士至博多不敢進隆家遣少貳  
 源道濟督促之將士以賊船多請益戰艦獨種  
 材奮曰我年踰七十死非所惜請單身進擊道  
 濟壯之乃發賊已逃潰不及而還先是驛奏請  
 敕符敕符未至又馳捷報朝廷大駭即據寬平  
 中伐新羅故事救北陸山陽等諸道嚴備且救  
 太宰府曰勿以兵故令農失時是役沿海民殺

一夜鬚髮白

略千餘人牛馬數百對馬銀壙燒毀邊寇之慘自古未有也隆家奏請賞戰功朝議以其私發為不宜賞權大納言實資引寬平中對馬守防新羅得賞故事曰攘寇不賞何以表忠遂從之初賊之來人呼曰刀伊未詳其名號及得高麗牒狀始知其為女真云○左大臣顯光薨初顯光女延子為廢太子敦明妃及道長納其女延子矢志歸家憂憤薨顯光哭之一夜鬚髮盡白至是薨○以攝政賴通為關白○四年南蠻賊掠薩摩人救太宰府討之○治安元年辛酉以右大臣藤原公季為太政大臣關白賴通為左大臣職如故權大納言藤原實資為右大臣權大納言藤原教通賴通之弟為內大臣○以右大臣實資兼皇太弟傳初實資為先帝所倚賴嘗為廢太子傳時以衰老不堪辭謝至是兼職○伊豫守源賴光卒賴光為人英武驍勇善射以將畧稱有三子長賴國子孫世居多田道季武皆以武勇著俗呼為四天王○二年

源賴光卒

先是道長以病薙髮創法成寺於京極賴通令

藤原道長創法成寺

藤原道長薨

諸國司曰寧懈公事勿怠此役諸國競輸鉅材至是成帝臨慶之大赦天下○萬壽元年甲子帝幸關白賴通賀陽院第觀競馬○四年先是京師多盜數放火劫掠道長憂之立賞格購索捕之而猶不能禁至是益熾入禁中褫女官衣服○前攝政道長薨道長病篤帝臨問之道長奏曰被榮寵如臣在古亦罕今復何言帝固問所欲言道長曰法成寺成諸司未有賞為憾耳帝即詔加董役者等位又賜寺封五百戶尋薨帝

平忠常叛

為服錫紵心喪三月嘉會多從停廢一如諒闇道長立朝四十餘年權傾內外富埒王家晚年信佛甚厚天子后妃相倣倣至日夜不絕誦經其少也豪爽負氣嘗有相者視曰猛虎度山之表貴顯無比果如其言世稱法成寺攝政又稱御堂關白初道長與二兄相繼秉政時人謂之三道以比三平云○長元元年戊辰前上總介平忠常作亂下總陷上總安房燒殺守惟忠遣檢非違使平直方等發東海東山二道兵討之忠常高望曾孫世居東國族眾疆盛恃勢暴橫

源賴信討忠常

至是遂叛。○二年太政大臣公季薨贈正一位。諡仁義。是為閑院。○三年安房守藤原光業畏忠常棄印鑑奔還以平正輔代之。○平直方等在軍無功乃救甲斐守源賴信帥坂東諸國兵討忠常而召還直方。賴信聞命即往人勸其待兵集而進賴信不聽與子賴義率兵二千直赴下總忠常臨湖列柵悉收舟筏使不可濟賴信陣湖濱遣使詐請和忠常不肯賴信曰賊恃險自驕吾直渡攻其無備可一鼓拔也。真髮高文馳

忠常伏誅

入湖中行取葦樹之標其淺處賴信乃麾眾騎濟忠常驚懼不知所出乃薙髮迎降。○四年賴信攜忠常入京師忠常途病死乃斬首以獻。誅臣自真鳥後帝嘉賴信功叙從四位上又欲以至是凡八人。帝常戒勞民及葬民感為上野常陸介賴信以衰老不堪遠任請改守美濃許之。○七年京師大風大學寮壞時學政甚衰是歲會於釋奠者僅數人。○九年帝崩壽二十九。火葬藏御骨山帝常戒勞民及葬民感其休養相走執役焉皇太弟立。

史論曰帝在位二十年政理未能熙洽而刑憲或多廢墮盜賊劫掠於輦轂桀驁跳踉于邊鄙不得謂之清平之世及其崩也民感弛勞之恩競供襄事之役不仁而能如是乎蓋帝亦有君德之美而輔弼將順有所不逮歟

後朱雀天皇

諱敦良後一條帝同母弟在位九年改元三曰長曆長久寬德

帝即位左大臣賴通關白諸政如故

長曆元年丁攝津始貢銅○三年先是永祚中

以僧餘慶為延曆寺座主眾徒不受敕使破裂

第六十九世紀元千六百九十七年

宣命敕賜前座主尋禪封百戶特宥眾徒罪餘慶尋辭職是歲以僧明尊為座主眾徒又不受上疏抗之關白賴通遣使示諭不可即群聚訴迫賴通第打破其門廷議遣檢非違使驅退之執其兇魁下獄殘徒又放火高陽門敕大索天下捕之初延曆中自僧最澄創延曆寺圓仁圓珍相繼為座主皆徒弟繁多後各分黨遂構隙非圓仁徒不得卓錫餘慶明尊皆圓珍徒故橫暴拒命夫佛法入本國已為蠹害而其徒爭鬪

禁內火

神鏡銷亡

禁內火

從是起亦蠹中一害矣。○禁內火。帝避遷京極院。○長久元年庚申京師盜賊帶弓箭行火。又僧徒殺掠行人。設賞購捕。○盜入宮中竊御衣。○京極院火。帝徙御內大臣教通二條第。是時神鏡罹災。形質銷亡。人以為王室陵夷之兆。○二年。帝遷御新宮。○三年。圖書寮火。尋禁內復火。帝避太政官廳。○四年。徙御一條院。尋火。徙御東三條院。○寬德元年甲申筑前人清原守武坐私入宋流於佐渡。○二年。帝不豫。禪位於皇太子。

第七十世紀元千七百六年

子初帝見恠驚悸得疾。至是大漸。帝性叡明。留心政務。而外戚賴通專權。其明有所蔽。威不能振。世以為憾焉。崩年三十七。火葬藏御骨。山城圓乘寺。

後冷泉天皇

諱親仁。後朱雀帝長子。母贈皇太后藤原氏。太政大臣道長第

四女。在位二十三年。改元四。曰永承。天喜。康平。治曆。

帝受禪於東三條院。立尊仁親王為皇太弟。初先帝臨崩。顧命關白賴通。以親王為帝儲。嗣賴通以其非藤氏。出不欲立之。對曰。立東宮尚未晚也。時藤氏一族充滿朝廷。莫不靡



日本正言 卷之七 高杉村莊

然附賴通獨其弟能信不黨及賴通退能信  
進近先帝御床故以詭言奏曰陛下欲以第  
一宮付何僧先帝曰朕將置之東宮而關白  
不欲故止何謂付之僧也能信曰聖慮苟然  
早決之不宜過今日先帝悟其意即日立為  
皇太弟以能信為大夫例東宮正位必傳壺  
切劔賴通不肯上曰青闈自非藤氏出則不  
可得皇太弟聞之曰吾何用此一劍為帝即  
位於大極殿還御京極院左大臣賴通關白

壺切劔

庶政如故按後一條後朱雀後冷泉凡三帝皆道長外孫相繼踐祚自古未有也

永承元年戊戌右大臣藤原實資薨實資剛直明達不惑邪說

歷仕九朝薨年九十○太政官朝所火○帝遷御新宮○

二年以內大臣藤原教通為右大臣權大納言

藤原賴宗為內大臣皆賴通之弟○是歲前權中納

言源顯基薨初顯基仕後一條帝受恩遇甚隆

然素薄榮利及帝崩益有感於時事遂辭職而

隱於大原山至是患疽喜曰吾聞病至死神不

源顯基薨

日本正言 卷之七 三十四 萬壽樓藏版

禁內火

日本正訓 卷之七

萬葉集

變者唯癰疽絕醫藥而終焉。○三年禁內火。帝  
避遷京極院。○四年皇后皇太弟所居閑院火。  
○五年大和守源賴親及子賴房有罪處流。初  
賴親訴興福寺僧徒不法。僧徒怒攻其館。賴親  
父子防戰多殺傷。僧徒來訴。因流竄。○參議源  
經成剛直嫉惡及兼檢非違使。別當捕盜濱人  
丸直殺之。適有赦命。經成命吏斷獄中海賊渠  
魁三人手足。世呼曰荒別當。時朝廷刑憲大弛。  
故檢非違使或以意殺戮而朝廷不問焉。○六

荒別當

小一條院薨

年冷泉院成。徙御。○是歲小一條院薨。初小一  
條院困於權臣勢而遜太子位。時人憫之。及道  
長進女棄故妻而宴新婚。以故後世或疑其無  
志操焉。○天喜元年庚巳帝徙御關白賴通賀陽  
院第。明年賀陽院火。帝避京極院。復火。徙御賴  
通四條第。○三年左近衛少將藤原忠俊從士  
入禁中。挺刃逼御座。藏人源齊賴等捕獲之。○  
毀冷泉院。移其材造一條院。○四年一條院成。  
徙御。○初陸奧豪族安部賴時自其父祖世并

盜逼御座

日本正訓 卷之七

三十五 萬葉集

源賴義

源義家

諸部落爲六郡會長。自私諸利，不輸貢賦。至賴時，益強獷。時出兵侵掠國，守藤原登任與秋田城介平重成合兵伐之，不利。白河關以北抵海，盡附賴時焉。朝議以源賴義威名素著於東國，拜陸奥守。賴義與義家八幡太郎及次子義綱加茂次郎率兵赴伐，會有大赦。賴時大喜，解兵而降。賴時初名賴良，更今名。臣事賴義，賴義遂兼鎮守府將軍。任滿將還，賴時厚犒其軍。既而賴義宿于阿久利河，有人夜斫屬將藤原光貞營，殺傷人。

安部賴時叛

馬賴義召光貞曰：卿有宿怨，不對曰：賴時子貞任嘗聘我妹，我鄙而不許，意彼謀其報爾。於是賴義欲執貞，任賴時曰：貞任雖愚，吾子也，何忍坐視其死？乃據衣川關，遂叛。賴義大怒，募集兵士人馬，蔽野賴時，婿藤原經清巨理權太夫平永衡伊具來屬官軍。賴義進赴衣川，永衡戴銀冑，或謂賴義曰：永衡陽示降服，陰挾奸謀，故欲虜，不射已，其戴銀冑，所以自標也。賴義捕永衡，斬之。經清不自安，遁歸於賴時。賴時益振，是歲朝廷

以賴義任滿命藤原良經代之良經以賊未平辭不赴任因命賴義再任

山縣禎曰當此時廷臣怯懦大率如此皇室何以復能振哉衰亂既極天下為武人之有勢不得不然矣唯賴義自其父祖以武名顯至是討與賊而有功子孫亦能繼武功而不墜威名東國之士多委質為之臣僕者其後世強盛成天下之霸業亦有故也夫

五年賴時族安部富忠勇而擁眾賴義令人諭

賴時伏誅

富忠應官軍賴時聞之亦自往說之賴義令富忠伏兵要擊大戰二日射中賴時賴時還柵而死誅是凡九人貞任軍猶振貞任驍傑善用兵官軍不利時歲荐饑糧食不給○賴義自將兵千八百討貞任貞任據河崎柵拒戰會大風雪官軍凍飢貞任兵四千急進衝突官軍大敗所餘并義家及藤原景通藤原則明等僅六騎賊又張左右翼急圍之矢下如雨賴義傷馬景通得馬授之義家亦失馬則明奪賊馬授之賊勢益

日本正言 卷之七  
通義家縱橫奮擊以巨鏃箭亂射賊披靡相警  
曰八幡太郎也遂解圍而去○賴義既免佐伯  
經範不之知以為猶在圍中曰吾亦當從將軍  
於地下乃單騎走進其從士相謂曰我公既如  
此吾曹亦豈獨活乎相與擣陣殺十餘人而死  
景通子景季年二十餘馳入賊中斬一將出入  
數回馬蹶見殺藤原茂賴不知賴義所在謂已  
沒賊泣曰吾當求其屍亦馳赴之途遇賴義乃  
與俱還○先是賴義奏請徵兵食至是不達乃

赤白符

奏曰諸國糧運有名無實且出羽守坐視不戮  
力於是詔罷守源兼長以源齊賴代之齊賴至  
亦不敢來援貞任軍益張經清造私符徵兵食  
曰用白符勿用赤符赤符官符也賴義益困○  
康平元年戊辰禁內火延及大極殿○二年一條  
院火帝徙御關白賴通三條第○是歲盜屢行  
火皇宮○二年賀陽院成徙御○四年以關白  
賴通為太政大臣○五年賴通辭太政大臣屏  
居宇治不預機務以憚東宮也○以源賴義任

源賴義伐阿部貞任

又滿詔高階經重代之國民服賴義不受經重節度經重不得已而歸先是賴義遣人諭出羽酋清原光賴及弟武則人真以大義至是武則帥兵萬餘來附賴義為七陣以武則等分將之而自將第五陣進攻小松柵拔之貞任弟宗任郎三帥兵八百出戰我軍不能支磐井以南盡為宗任所據我軍輜重沒賊賴義乃遣兵於四方刈稻貞任曰官軍求糧其虛可乘也以精兵八千來襲武則曰我兵為客糧之利在速戰幸彼來

戰是天祐將軍也賴義大喜為長蛇陣邀戰呼聲震天遂大破之追至磐井河賊多溺死貞任走據衣川之險賴義進攻之河水方漲岸上有樹枝柯垂水武則使兵士攀樹踰河潛入賊營縱火貞任望見大駭走保厨川柵賴義追拔鳥海柵入之時柵中有酒數十甕乃會將士休飲賴義謂武則曰吾耳此柵之險久矣今取之藉子力也子視吾顏色如何對曰將軍竭忠於天朝暴師十餘年于茲神人為之感動所以致此

賴義髮還黑

鑽神火

貞任伏誅

前九年之役

捷臣何與焉。向視將軍頭髮皆白。今乃半黑。若獲貞任則全黑矣。曰吾髮還黑固當然耳。又進攻貞任於厨川。柵柵固不拔。賴義令壞民家堙塹。下馬遙拜京城。禱八幡神。手鑽火號為神火。投之會風起。壘柵悉焚。賊軍大擾。逃者擊麀之。貞任乃單身出戰。我兵集而遂斃之。是誅叛臣至是凡十人經清亦被縛。至賴義面責曰。今日猶能用白符乎。命以鈍刀斬之。宗任等皆降。是謂前九年之役史論曰。賴義善得士心。敗而復振。卒能覆彼巢。

窟平盪強虜。覈其忠純。志貫金石。宜乎將門出將。景福流于裔孫也。

六年。賴義遣藤原季俊獻貞任以下首於京師。救梟之西獄門。尋論功。叙賴義正四位下。任伊豫守。叙子義家從五位下。任出羽守。弟義綱為左衛門少尉。清原武則為鎮守府將軍。是歲賴義建八幡祠于鎌倉。鶴岡。賽戰功。○七年。伊豫守賴義以陸奧降虜。至京師。救放之。伊豫賴義奏請賞有功將士。朝議久不決。以故未赴任。任國不登。賴義以私資

償進濟如是二年。○治曆元年巳前右大臣藤原賴宗薨。○以內大臣藤原師實賴通之子為右大臣。權大納言源師房具平親之子為內大臣。○三年以賴通准三后尋罷關白特敕咨詢政事。○四年以左大臣藤原教通關白庶政。○帝崩於賀陽院壽四十四。火葬藏御骨皇太弟立。

明治日本政記卷之七  
新刻






# Kodak Gray Scale



© Kodak, 2007 TM: Kodak

**A** 1 2 3 4 5 6 **M** 8 9 10 11 12 13 14 15 **B** 17 18 19



# Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

